

ANA no ta cumpliendo cu tur exigencia di proteccion y siguridad di nan archivonan

ORANJESTAD – Departamento di Archivo Nacional Aruba (ANA) no cumpliendo debidamente cu tur normanan internacional di siguridad y proteccion di nan archivonan, asina su director sr. Raymond Hernandez a declara na Bon Dia Aruba.

Sr. Hernandez a bisa cu riba e parti di siguridad tin biaha e problema ta sinta cu no tin un instancia na Aruba cu ainda por balora kico ta nifica den placa e balor di un documento historico of un obra di arte, pa nan por compensa un hende cu algo. Pues den caso ARA, no tin un experto pa haci un rapport di baloracion.

Siguridad

ANA a organisa diferente exposicion caminda tabatin cierto exigencia, entre otro di un polisa di seguro, ya cu tabatin material di gran balor historico y material cu a bini entre otro di Hulanda pa wordo exhibi na Aruba. Tambe tin obranan di artista manera esunnan cu ta wordo exhibi actualmente di e artista local, Stan Kuiperi cu dificilmente nan por cera un seguro debi na e necesidad di un rapport di calculacion di



balor di un persona experto riba e materia aki. El a declara cu tur artista ta consciente cu ora nan ta exhibi nan obranan na ANA, tin un riesgo cun'e, y nan ta spera cu nada lo pasa. "Ora bo yama e companianan di seguro na Aruba, no tin niun cu por duna bo un balor di dje. Na Aruba nos no tin e especialismo ey", el a bisa.

E ta un preocupacion cu ta existi den ARA mirando e balor cu nan tin den nan archivonan. Ya cu den caso cu tin hortamento of un caso di candela, mester existi un forma di seguro of calculacion na e hende of instancia por

haya un compensacion. Te awe –segun sr. Hernandez– afortunadamente nan no a confronta niun problema riba e tereno aki.

Proteccion y infraestructura

Otro aspecto tin di haber cu adaptacion di nan infraestructura. ANA ta manera un banco di documento di gran balor historico y material. Un ban-

internacional cu un instancia manera ANA mester cumpli cun'e pa salvaguardia, protege y conserva nan.

"Mi ta calcula cu na e momento aki nos por ta rond di 70 pa 80% cu e condicionnan cu nos ta warda nan aden ta basta bon", asina director di ANA a indica. El a agrega cu ANA su deseo ta pa nan por yega cumpli debidamente cu tur exigencianan internacio-



co cu ta warda e memoria di Aruba como un pueblo y un pais. Pero ainda nan edificio no ta cumpli shen porciento cu e rekisitonan of standard

nal, y esey sr. Hernandez ta bisa cu lastimamente no ta asina.

Un di e exigencianan interna-

cional tin di haber cu e temperatura di e archivo, ya cu e papel ta garna. Mas den calor mas lihe e papel ta caba. Otro tin di haber cu siguridad contra candela cu ta hopi importante. Exigencianan normal ta muraya diki y e dak mester ta di beton. "Mi ta papiando di loke ta ideal, esey nos no tin akinan", el a bisa.

Otro aspecto tin di haber cu e proteccion contra bestia ya sea djaca, raton, fruminga, comehein of cualkier tipo di bestia cu lo por nifica un peligro pa e documentonan den archivo. Ya cu tin un bichi cu ta come papel y nan tin cu percura pa evita e presencia di nan den ANA.

"Mi ti cu bisa cu den nos situacion actual nos no ta cumpli completamente cu e exigencianan, paso nos ta den un edificio cu ta na huur, nos edificio no ta di gobierno", el a bisa.

E ta kere cu lo ideal ta pa edificio actual lo por bira un propiedad di gobierno pa bin cu e adaptacionnan necesario pa hisa e proteccion di e archivonan mes. Otro opcion lo ta cu gobierno lo dicidi di traha un edificio nobo pa ANA cu ta cuadra cu e exigencianan internacional. □